

Arkivsaksnr.: 2015/2034-0

Saksbehandler: Linn Myrvold

Dato: 30.03.2015

Utval	Utvalssak	Møtedato
Verneområdestyret for Geiranger-Herdalen	14/2015	

## Geiranger-Herdalen landskapsvernområde- Søknad om fornying av løyve til å køyre opp skiløype til Dyrdalen i Norddal kommune

### Søkar

Norddal Idrettslag v/ Inge Relling

### Dokument i saka

1. Søknad datert 29. mar. 2015.
2. Forvaltningsplan for Vestnorsk Fjordlandskap Delområde Geirangerfjorden
3. Naturmangfaldlova

### Saksframlegg

### Søknaden

Norddal Idrettslag søker om fornying av løyve til å køyre tråkkemaskin eller snøscooter til storvatnet i Dyrdalen i Norddal kommune.

### Naturmangfaldloven og verneforskrift

Føremåla med opprettinga av Geiranger-Herdalen landskapsvernområde er å

- Ta vare på eit særprega og vakkert fjord- og fjellandsskap med eit rikt og variert plante- og dyreliv.
- Ta vare på viktige kulturlandskap der fjordgardar, setermiljø og kulturminne utgjer ein vesentleg del av landskapet sin eigenart.
- Ta vare på geologiske førekomstar og landskapsformar.

Etter § 3 punkt 5.1 er motorferdsel forbode på land og i vatn. Forvaltningsstyresmakta kan etter søknad gje løyve til oppkøying av skiløyper og skibakkar, jf. § 3 punkt 5.3 bokstav g). Prinsippa i naturmangfaldlova §§ 8-12 skal takast med i vurderinga.

### Vurdering

Skiløypene i områda ved Dyrdalen har eksistert i lang tid og det er mange som nyttar skiløypene til rekreasjon. Frå brukarane sin side er det ønskeleg at dette haldar fram. Etter forvaltningsplanen for vestnorsk fjordlandskap delområde Geiranger, kan søknadar knytt til tiltak som legg høva til rette for allmenta bli gitt for fleire år (s. 41). Førre løyve ble gjeve 24. mar. 2009 og løyva ble satt til å gjelde ut 2014.

## **Vurdering etter Naturmangfaldlova §§ 8-12**

### **§ 8 «Kunnskapsgrunnlaget»**

Når det gjeld køyring med snøskuter/trakkemaskin er støy den største belastninga i høve til miljøet, sidan det ikkje vil bli vesentlege terrengskader vinterstid. Sidan dette er ein aktivitet som har pågått i lengre tid og vi ikkje har ny kunnskap om at støy i området er meir negativt no enn før blir dette prinsippet lite vektlagt.

### **§ 9 «Føre-var-prinsippet»**

Dette prinsippet er lite relevant då tiltaket har pågått i dette området over fleire år.

### **§ 10 «Økosystemstilmærming og samla belastning»**

Dette blir lite vektlagt sidan den omsøkte strekninga er nemnd spesielt i forvaltningsplanen. For eventuelle nye strekningar ville dette prinsippet vegd tyngre.

### **§ 11 «Kostnadene ved miljøforringelse skal bæres av tiltakshavar»**

Oppstår skade på naturmangfaldet skal skaden dekkast av tiltakshavar.

### **§ 12 «Miljøforsvarlige teknikkar og driftsmetodar»**

Vi vurderer bruk av snøskuter og trakkemaskin som mest eigna metode til oppkøyring av skiløyper.

## **Forslag til vedtak**

Verneområdestyret gir med dette Norddal Idrettslag ny løyve til oppkøyring av skiløype på strekninga til Dyrdalen i Norddal kommune. Løyva er gitt i medhald til Forskrift om vern av Geiranger-Herdalen landskapsvernområde § 3 punkt 5.3 bokstav g) og føringar i forvaltningsplanen.

Søknaden er vurdert i høve til Naturmangfaldlova §§ 8 -12.

## **Vilkår**

- 1) Løyva kan køyrast opp med trakkemaskin eller snøskuter
- 2) Løyva gjeld for åra 2015-2020. Det kan reknast med at det vert forlenga dersom det ikkje oppstår spesielle ulemper for verneverdiane.
- 3) Det kan køyrast maksimalt 1 tur pr. dag i denne perioden.
- 4) Løyva gjeld for Norddal Idrettslag og kopi av denne løyva skal kunne visast fram ved evt. oppsyns kontroll.

## **Klagerett**

Dette vedtaket kan i samsvar med § 28 «Vedtak som kan påklagast, klageinstans» i Forvaltningsloven påklagast av ein part eller andre med rettslig klageinteresse. Frist for å klage er tre veker frå vedtaket er motteke. Klagen stilast til Miljødirektoratet, men sendast til Verneområdestyret for Geiranger-Herdalen. Klaga bør grunngjevast.